

一癰疽將安宜用加味十全湯補其氣血庶肌肉易生

一背疽多先渴而後發或先疽而後渴不救者多矣若服加減八味丸非特杜絕渴疾抑亦大滋氣血生長肌肉

一癰疽嘔逆有二一因初發不服內托散伏熱在心一因脾氣不正伏熱在心者則心煩身熱焮腫作痛宜用內托散三兩服之脾氣不正者則不煩熱或聞穢氣作嘔宜用嘉禾散如有寒熱

用不換金正氣散五更初兼服山藥丸以補腎

癰疽用香藥調治論

伍氏曰氣血聞香則行聞臭則逆大抵瘡瘍多因營氣不從逆於肉理鬱結為膿得香則氣血流行故服五香連翹湯萬金散金粉散凡瘡本腥穢又聞臭觸則愈甚若毒入胃則咳逆古人用之可謂有理且如飲食調令香美以益脾土養其真元可保無虞矣

五發癰疽通治方

漏芦湯 治一切惡瘡毒腫丹瘤癰癤疔腫魚臍
五發癰疽初覺一二日便如傷寒頭疼煩渴拘
急惡寒肢體疼痛四肢沉重恍惚悶亂坐卧不
寧皮膚壯熱大便閉瀆小便赤黃並皆服之

妊婦勿服 漏芦 白歛 黄芩 麻黄去

枳實炒去白 升麻 芍藥 炙甘草 朴硝各二兩

大黃二兩 右每服三五錢看虛實用水煎空心

熱服

五香連翹湯 治諸瘡腫初覺一二日便厥喉咽

塞發寒熱 乳香 木香 木通 大黃各半錢

連翹 沉香 獨活 桑寄生 丁香 射干

升麻 射香另研各一錢 甘草五分 姜三片水煎

不拘時服

托裏護心散 治諸疔腫發背曾經汗下毒氣攻

心迷悶嘔吐而痛可服二三服 乳香一兩

菴荳粉四兩和勻每服三錢甘草湯調服

神仙蠟礬丸 此藥不問老幼皆可服之服至一

兩已上無不取效最止疼痛不動臟腑委是神

効活人不可勝數

白礬明亮者一兩研

黃蠟七錢化

提起待少冷入礬末不佳手攪勻

右衆手丸如梧桐子大倘

蠟冷不能丸以滾湯頓之便軟每服二十九漸

加至三四十丸白湯或酒吞下如未破即內

消已破即便合如服金石發動致疾更用白礬

末一兩匙頭溫酒調下亦三五服見効有人遍

身生瘡狀如蛇頭服此亦効諸書皆稱神奇但

一日之中服近百粒則方有功此藥能防毒氣

內攻蓋能護膜也切不可欺其淺近而忽之始

終服過半斤必能萬全瘡愈後服之尤佳

一方治蛇咬只融化白礬乘熱滴傷處痛即止毒

氣即趕出立見効驗要知白礬大能解毒也

千金托裏散治一切瘡腫發背疔毒若氣血虛

而不能作膿或潰後膿清痛仍不減最宜服此

便能排膿止痛黃耆一兩厚朴防風

桔梗各二兩連翹二兩木香沒藥各三錢

乳香二錢當歸五錢川芎白芷芍藥

官桂人參甘草各一兩右為細末每服三

錢酒一大盞煎三二沸溫服

十六味流氣飲 治無名惡瘡癰疽疔症 川芎

當歸 芍藥 防風 人參 木香 黃芪

官桂 桔梗 白芷 枳殼 厚朴 烏藥

紫蘇 只壳 甘草各一錢 右作一帖水煎食遠服

內托羌活湯 治尻臀生癰堅硬腫痛大作

羌活 黃柏酒製各二錢 防風 歸尾 藁本

連翹 蒼朮 陳皮 炙甘草各一錢 肉桂三分

黃芪一錢半 水一鍾酒半鍾煎八分食前服

清心內固金粉散 一名金花散 專治惡瘡熱

盛欬痛煩躁作渴此藥鮮盡 辰砂另研 白茯苓

人參 甘草各三錢 菴荳粉四兩 雄黃一錢 冰片

白荳仁 朴硝各五錢 射香與冰片各一錢另研 右以參

苓荳蔻為末入研藥和勻每服一錢半蜜湯調

麥飯石膏方又名鹿角膏 白麥飯石其石顏色黃白像麥

飯團者研細末听用 鹿角要生者自解者不用截作二三寸長炭火內煨令烟盡為度研末

白歛末為細末 右將麥飯石用炭火煨紅以好

米醋淬之如此煨淬十次研為極細末每用二

兩白歛末二兩鹿角灰末四兩同入乳鉢乳令無声方有效驗若研不細敷上作痛若研得極細如眼藥一般極能止痛排膿收口量藥末多寡用經年好米醋入銀石器內煎令魚眼沸却旋々入前三味藥末在內用竹篦子不住手攪熬一二時久令稀稠得所傾出磁盆候冷以帛蓋密勿惹塵灰每用時先用猪蹄湯洗去癰瘡上膿血至淨以故帛挹乾以鴛翎拂藥膏塗敷四圍凡有赤處盡塗之但畱中心一竅如錢大

以出毒氣膿血如瘡未潰能令內消如已潰則排膿如湍水逐日見瘡口收歛如患瘡久肌肉腐爛筋骨出露用舊布片塗藥以貼瘡上但肉膜終穿亦能取安洗瘡勿以手觸動嫩肉仍忌口氣及有腋氣之人并月婦皆令忌之 此方但得好帶蓋鹿角好麥飯石精虔修合勝用他藥多矣仍可熬取好米醋一大碗候逐日用藥於瘡上俟乾便以鴛毛蘸醋拂潤勿令緊也初用須一日一洗換十日後兩日一換

排膿內補十宣散

一名十奇散 一名內補散

治癰疽瘡癤未成

者速散已成速潰敗膿自出無用手擠惡肉自去不用刀針服藥後其痛頓減効驗如神

人參 當歸 黃耆 各二兩 甘草 川芎 防風

厚朴 姜汁炒 苦梗 白芷 薄桂 各一兩 右為末每

服三錢酒調下日夜各數服以多為妙服至瘡

口潰更服為嘉不飲酒人濃煎木香湯調下然

終不若酒力之勝或飲酒不多能勉強以木香

湯兼酒調下亦可

乳香黃耆散

治一切惡瘡癰疽發背疔瘡痛癢

不可忍者或未成者速散已成者速潰不假刀

砭其惡自下 又打撲傷損筋骨疼痛並皆治

黃耆 當歸 川芎 麻黃 去根 甘草 人參

芍藥 各一兩 嬰粟壳 蜜炙 陳皮 各一兩 乳香 沒藥

各五錢 每服五六錢水煎服

黃耆湯 治一切瘡腫癰疽並宜服之

黃耆 川歸 酒洗各一兩 大黃 芍藥 陳皮

炙甘草 各五錢 右加生姜三片水煎服

托裏內補散 專治一切惡瘡潰爛出膿之後宜服之

人參 川歸 川芎 白芍 甘草 白芷

防風 白朮 茯苓 官桂 黃耆 金銀花

各等分水煎服

護心散 治瘧氣冲心嘔吐又名不 炙甘草

硃砂飛各錢 荒荳粉炒二錢 為細末作一帖白湯調

當歸連翹散 清熱解毒通潤大小便 當歸

連翹 梔子仁 芍藥 金銀花各一兩 黃芩五錢

右每服五錢水二鍾煎七分空心溫服如欲通

大便加大黃二錢待藥煎將熟入之再煎一二

沸服之

托裏散 治一切惡瘡發背疔疽便毒始發脉洪

絃實數腫甚欲作膿者 當歸 括萎根一錢半

大黃三錢 皂角刺 牡蠣 朴硝 連翹各一錢半

金銀花 赤芍藥 黃芩各一錢 水酒各一鍾煎服

乳香止痛散 治一切瘡腫疼痛不止

乳香 沒藥各一錢 丁香五分 粟壳 白芷

陳皮 炙甘草 水煎服

加味當歸飲子 古云諸瘡皆屬心火，鬱則發

之 當歸 生地 升麻各五錢 防風二錢半

荊芥穗 何首烏各一錢 柴胡 白芍藥 川芎

羌活 黃耆各三錢 紅花 蘇木 甘草各一錢

每服五錢 生姜三片 煎或沐浴取微汗 効速使

血氣通暢 服藥應効

托裏溫中湯 治瘡為寒變而內陷者 膿出清解

皮膚涼心 下痞滿腸鳴 切痛大便微溏 食則嘔

氣短促 吃逆不絕 不得安卧 時有昏憤

丁香 沉香 茴香 陳皮 益智仁各一錢

木香一錢半 羌活 良姜炮三錢 黑附子炮去皮 臍四錢

炙甘草二錢 姜三片 水煎服 忌生冷

猪蹄湯 治一切癰疽并諸腫毒 消毒氣去惡肉

凡瘡有口便須用此湯洗 黃芩 白芷

赤芍藥 川歸 羌活 生甘草 露蜂房有蜂

兒者各等分 先將豬蹄前蹄兩隻重一斤 只用白

水三升 煮軟 將汁分作二次 澄去面上油 并下

肉渣 每次用藥一兩 投于汁中 再用文武火煎

十數沸去渣以故帛蘸湯溫之徐揩瘡上死肉
惡血隨湯而下洗淨訖以帛拭乾仍避風忌人
口氣吹之有狐臭人及月婦猫犬並不宜入病
人房中洗瘡切忌手觸洗疽之方甚多惟此方
極効其用露蜂此甚有理蓋以毒攻毒也

麥門冬湯 癰疽潰後膿水不絕 麥門冬

黃耆 五味子 人參 官桂 當歸 遠志

白苓 芎藭 各一兩 炙甘草 三錢

姜一片 枣二枚 水煎

四虎散 治癩疽腫硬厚如牛皮按之痛

天南星 草烏頭 半夏 生用 狼毒

各等分為細末醋蜜調敷畱頭出氣

內托散 諸腫毒惡瘡一服立愈 伊毒尤効 大黃

牡蠣 各五錢 甘草 三錢 括萎仁 二兩如無用 山梔子 亦可

右分三帖水煎服

鉄井欄 治無名腫毒背疽以此圍之畱口出氣

芙蓉葉 重陽前收 蒼耳 端午前收 為末以蜜水上調

五香湯 諸瘡入腹托裏 丁香 木香 沉香

乳香

各一兩

人參

另加一兩

射香

三錢嘔惡者去之勿疊香

右為細末每服三錢水一盞煎六分空心熱服
總錄聖惠千金外臺治諸瘡腫方中皆載此方
大同小異大抵專治毒氣入腹煩悶氣不通者
其餘熱結昏昧口燥咽乾大便硬小便澀者未
可與服

止痛當歸湯

治腦疽發背穿潰疼痛

當歸

黃耆

人參

官桂

芍藥

炙甘草

生地

各一兩

每服五錢水煎服

金銀花散

發背惡瘡托裏止痛排膿

金銀花

無花藤葉代之四兩

甘草

八錢

分為三帖酒水各半煎服

拔毒散

治熱毒丹腫遊走不定

寒水石

生用

石膏

生用各四兩

黃栢

甘草

各一兩

為細末新汲

水調掃之或油調塗之或帛花上攤貼以凉水潤之

寸金丹

二名返魂丹三名再生丸四名追命丹

六名來甦丹七名知命丹八名得道丸非人勿

示若有人患瘡身未爛者與三丸服之嚙下便

活如口噤斡開研化灌之下喉立生治發背腦
疽癰腫遍身附骨腫痛先覺時飲水口中煩渴

發熱四肢沉重身軀壯熱 射香一分 乳香

輕粉 烏金石 雄黃 狗宝 沒藥各一錢

蟾酥二錢 粉霜 黃蠟各三錢 硃砂五錢 鯉魚胆

乾用 狗膽各一枚 頭男胎乳一盞金頭蜈蚣七條

酥灸全用 右俱為細末以黃蠟熬成膏子和勻為

丸菴荳大小兒丸如芥子大每服一九病重者

加三九白丁香七枚研爛新汲水調送下被蓋

出汗勿令透風凡服藥後喫白粥瓜瓞就睡大

妙頭瘡腫痛不過三服

定痛托裏散 一切瘡腫疼痛不可忍如年少氣

實先用疎利後服此藥 川芎 川歸 乳香

白芍藥 沒藥與乳香各一錢半 官桂一錢 御米壳去筋膜炒

二錢 水煎服

柞木飲子發背癰疽已成未成並宜服之

乾柞木葉四兩 乾荷葉心蒂 萱草根

甘草節 地榆各一兩 右為末每服五錢水煎服

早晚各進一服

內托千金散 癰疽發背腦疽乳癰諸瘡癰未成

者自散已成者即潰 人參 川歸 黃芪

川芎 防風 白芍 官桂 桔梗 白芷

甘草 括萎 金銀花 各等分 痛甚者加

當歸乳香沒藥芍藥 每服七八錢水煎臨服

加好酒半盞溫服日進二三服若瘡口有黑血

出及有汗出者此藥之功也

牛膠飲 截癰疽惡瘡發險處服之使毒氣不攻

於內不傳惡証

牛皮膠

通明好者淨洗
乾秤四兩為則

右用酒一碗入膠納重湯頓令膠撓勻傾出更

浸酒隨意飲及若善飲者以醉為度亦用酒煎

却浸以白湯飲及為佳此法活人甚多

國老膏 一切癰疽俱發預期服之能消腫逐毒

使毒氣不內攻功效不具述

太甘草

有粉者
二斤

槌令碎河水浸一宿揉令漿汁膿去渣再用綿

濾過銀石器內慢火熬成膏以磁罐收之每服

一二匙無灰酒侵入或白湯亦可不拘時服曾

服丹劑燥藥亦解之或微利無妨

遠志酒 一切瘰癧發背惡毒有死血陰毒在中則不痛敷之則痛有憂怒毒氣積而內攻則痛不可忍敷之則不痛或熱蘊在內熱逼人手不可近敷之即清涼或氣虛血冷潰而不斂敷之即斂 此乃韓大夫宅用以救人極驗若七情內鬱不問虛實治之必愈 遠志米泔浸洗去心苗 右為細末酒一盞調藥末三錢遲頃澄清飲之以渣敷病處

忍冬酒 瘰癧發背初起時便當服此不拘瘰癧發

何處及婦人乳瘰服之皆有奇効外以麥飯石膏及神異膏塗之其効若神 忍冬藤生取一

大握以葉入砂盆內爛研入好酒或生酒尤佳調和稀稠得所塗敷四圍中心番一大竅出氣

仍用忍冬藤

五兩用木槌微搗不可碎

甘草節一兩

右入砂瓶內水二碗文武火慢慢煎至一碗入無灰好酒一大碗再煎十數沸去渣分為三次服一日服盡如病勢重一日夜再進一劑服至

大小腸通利藥力乃到 若無生者用乾者終
不及生者力大而効速其功勝於紅內消

神仙截法 癰疽發背一切惡毒預服此藥毒氣

不內攻可保無虞 真麻油 一斤銀石器煎十
數沸傾出冷用

右以無灰酒兩碗侵入油重湯溫稍熱通口急

服一日盡之為妙或疾發數日者亦宜急服之

佳此法乃吳侍御家云三代用之無不驗又聞

獵者云凡悞中藥箭急飲麻油則藥毒不行後

於西山親見一人被虎箭穿股叫號不忍急以

此灌之良久遂定又聞鄭學諭曾用之効

黃耆丸 治因用針砭傷其經絡白濃赤汁逗流

不止 生黃耆錢八 川歸錢三 木香 沉香

肉桂 乳香各錢一 右諸香並不見火為細末用

芫荳粉生姜汁煮糊為丸梧桐子大溫水吞四

五十九

忍冬丸 療渴疾既愈之後須預防發癰疽大宜

服此 忍冬藤根莖花葉皆可用以無灰好酒

浸以糠火煨一宿取出晒乾入甘草少許研為

細末以所浸酒打麵糊為丸梧桐子大每服五十丸至百丸不拘時酒飲任下 此藥不特治癰疽大能止渴并治五痔諸癭等疾

援生膏 治諸般惡瘡及癰癤鼠瘻纒起者點破

即愈 血竭 乳香 沒藥 各一錢 蟾酥 輕粉 各三錢

雄黃 五錢 射香 五分 右用蕎麥稽灰或真炭灰一斗

二升淋灰湯八九碗用栗柴或葉柴文武火煎作三碗取一碗收留二碗盛於好磁器內候溫將前七味藥研為極細末入灰湯內用鉄瓢或

葉柳枝攪再以好風化石灰一升入藥灰湯內攪勻取出候冷過宿成于小白磁罐內凡遇諸惡瘡點在當頭一日二次三日又一次瘡頭食破約五分血水出為妙恐日久藥乾將前收留灰湯入之

烏龍膏 一名烏金散 一切腫毒癰疽收赤暈

木別子 去壳 半夏 各二兩 小粉 四兩 草烏 五錢

右於鉄銚內慢火炒令轉焦為細末出火毒再研以水調稀稠得所敷毒四圍留頂出氣或以

醋調亦得

透膿散 諸瘰疽瘡及貼骨瘰不破者不必刀針
以指點之不移時其膿自透累驗

蛾眉繭子出蛾有口者 右燒存性以酒調服切記只
用一枚不可多用如用二三枚即有二三口也
慎之此方絕驗勿忽

通門散 一切瘡疽無頭腫痛 山梔子三錢

大黃二錢 牡蠣炒五錢 地龍去土三錢 炙甘草五錢

每服六七錢水煎服以利為度

乳香拔毒散 一切瘡腫瘰疽消毒 黃芩各二兩

黃柏 地骨皮 乳香 沒藥各二錢

為末涼水調攤貼腫處効

立効散 發背諸瘰癧癰瘰乳瘰與前方間服神

効 皂角刺不用枯者剉而炙炒 生粉草二兩

乳香五錢 沒藥一兩 括萎五枚取肉炒

右為末每服二錢無灰酒調下

灸法 瘰疽初發小點一二日間急以大蒜頭橫

切如錢貼其中心以小艾炷灸之五壯而止若

形狀稍大以黃稭紙蘸酒全貼看先乾處為筋
脚於脚處灸之或兩處先乾皆灸但五七壯而
止 又法屈指從四圍尋按遇痛處是根就此
處重按深入自竟輕快即此灸之更於別處灸
若腫大即搗蒜餅焙乾蘸法醋灸熱更換頻爇
或以熨斗火於蒜上熨之逐次更換熱餅頻熨
如竟患處走散以綿帛覆蓋勿令氣泄俟少間
敷藥凡癰疽腫大如鰲之形須看頭向上下先
灸其前兩脚次灸其尾或紅筋走緊而長從盡

處灸之須番頭并後兩脚勿灸設盡灸之不惟
火氣壅聚彼毒無所走散反攻入裏也倘辯認
不明以白芷三分 漢椒 桑白皮 各一
連根葱白十根 新水煎入酸醋半盞淋洗少
頃其筋自見可以辯認頭尾

萬病解毒丸 癰疽發背魚臍毒瘡藥毒草毒挑

生蛇毒獸毒諸惡瘡病 五倍子 山荳根

山慈姑 全蝎 紅牙大戟 射香

續隨子 硃砂 雄黃

取仁去油取霜各半兩

兩錢五

錢七

錢一

各二

右件先以前五味入木臼搗羅為細末次研後
四味夾和糯米糊丸分作三十五丸端午七夕
重陽騰日淨室修合每服一九生姜蜜水磨下
井水浸研敷患處解毒收瘡救病神妙硃砂雄
黃乃瘍醫五毒攻乃瘍中物也

加味八味丸 降心火生腎水治諸渴疾瘧疽未

發前已瘥後渴症通用 熟地黄焙二兩 山藥微炒

山茱萸蒸取肉焙各一兩 辣桂去粗皮五錢 澤瀉截作塊酒

甌內蒸五 牡丹皮焙 白茯苓各八錢 五味子慢火

半研兩 右為細末煉蜜候冷和丸如梧桐子大每

服三十九丸空心鹽湯下

神仙太乙膏 治瘰癧及一切惡瘡軟癬不問年

月深淺已未成膿並宜治之蛇虎傷蜈蚣犬咬

傷湯火刀斧所傷皆可內服外貼如發背先以

溫水洗瘡淨軟綿拭乾却用緋帛攤膏藥貼瘡

即用冷水下血氣不通溫酒送下赤白帶下當

歸酒下咳嗽及喉閉纏喉風並用新綿裹膏藥

置口中含化一切風赤眼用膏捏作小餅貼太

陽穴後服以山梔子湯送下打撲傷損外貼內服橘皮湯腰膝痛者患處貼之內服鹽湯送下唾血者桑白皮湯下諸痛先以鹽湯洗淨諸血量大小以紙攤貼每服一九如櫻桃大蛤粉為衣其膏可收十年不壞愈久愈烈一方久遠癩癧同上癩瘡鹽湯洗淨貼酒下一九婦人血脉不通甘草湯下一切瘡癩并腫痛及疥癩別煉油少許和膏塗之 玄參 白芷 當歸 赤芍藥 肉桂 去粗皮 大黃 生地黄 各二兩

右剉碎用麻油二斤浸春五夏三秋七冬十火熬黑色瀝去渣入黃丹一斤青柳枝不住手攪候滴水中成珠不粘手為度傾入磁器中以磚蓋口掘子宮埋陰樹下以土覆三日出火毒欲服丸如鷄頭子大

神異膏 治發背癰疽諸般惡瘡癩其効如神治疽疾先以麥飯石膏塗敷俟其瘡根脚漸收放徑寸大脚用神異膏貼之收口此藥隨其人病深淺取効合時不可與婦人鷄犬猫厭穢物見

之 玄參

半兩

杏仁

去皮尖切一兩

露蜂房

淨炒一兩用有蜂兒

者為妙

男子亂髮

洗淨焙乾五錢

綿黃芪

三分

全蛇退

洗焙

五錢

黃丹

飛細五兩

右用真麻油一斤用髮入銀

鈹中文武火熬候髮焦鎔盡以杏仁投入候變

黑色用好綿瀘去渣再將所熬清油入鈹內然後入玄參黃芪慢火熬一二時取出鈹子安冷炉上半時久火力稍息旋入露蜂房蛇退二味將柳枝急撓却移鈹放火上不住手撓慢火熬至紫黃色用綿瀘過復入清油在鈹內乘冷投

黃丹急撓片時又移鈹于火上以文武火慢火熬不住手柳枝撓干餘轉候藥油變黑色滴水中凝結成珠則是膏成就若珠子稀再熬少時必候其得所然後磁器內收封待用或恐偶然火熬太過稍硬難用却少將臍熬麻油在內以磁器盛封蓋於甌上蒸乘熱撓調收用膏藥熬成了須連甌盛磁器置淨水中出火毒一晝夜歇三日方可用日換二次夜換一次熬此膏藥極難於火候須耐看火緊慢火猛則藥中火發

不特失藥性又傷人面目救助不及千萬謹戒
膏藥方甚多不下數十治疽之神無出此方千
金不換杖瘡尤妙

萬金膏 治癰疽發背諸般瘡癤從高墜墮打撲
傷損脚膝生瘡遠年癩瘡痔漏一切惡瘡又云
專治發背神妙不可具言或初覓若做瘡用牛
皮膠令稀稠得所如藥化攤在毛頭上於初覓
處或有做瘡處貼次用軟布帕子二條於醪米
醋內煮令熟漉出互相於熬紙上乘熱蒸熨不

可令布帕冷布帕二條不可都齊漉出常留一
條于醋內煮候蒸熨得一條冷時却取醋內煮
者熨之俟冷却又於醋內取熱布蒸熨庶幾常
得熱布替換即易見效若瘡痒乃是藥攻其病
須忍痒不止直候膿出將尽即濃煎貫衆湯候
溫洗去膠紙次日依前更洗若上有膿又如前
法蒸熨雖連數日蒸熨不妨但要瘡中膿尽瘡
乾為度然後用生肌紅玉散摻在瘡上即以萬
金膏貼每日一上或兩上每用再蒸熨並如前

先鋪膠帑于瘡上了亦如前用貫衆湯洗入膠

紙 龍骨 鱉甲 玄參 黃栢 草烏

黃連 烏賊魚骨 黃芩 白芨 白欬

豬牙皂角 木别子 當歸 白芷 川芎

厚朴去粗皮 槐枝 柳枝各四寸長 乳香另研

沒藥另研各半兩 黃丹水飛淨炒過一斤八兩 清麻油四斤入前藥熬

赤色去粗秤 右除乳沒丹外餘藥入油內慢火

煎候白帑焦色去粗入黃丹一半不住手攪令

微黑色更入黃丹仍攪待滴入水中成珠不粘

手為度攪温下乳沒末攪勻磁器盛用時量瘡

大小攤紙貼之治諸惡瘡加自然銅肉桂各一

分一方無當歸

磨風膏 治頭面五發瘡腫疥癬疥疔及湯泡傷

磨風止痛滅癩痕 白附子 白芍藥 白芨

芩零令香 白芨 白欬 白芷 白檀

藿香 升麻 細辛 黃芪 甘草 杏仁去皮

尖各一兩 腦子 括萎根一大括萎二兩 黃臍去皮

芝麻油 右前十四味剉油內浸百日於臈日

木火炭上銀石器內煎至白芷微黃色離火入
括萎二味着內煮百沸重綿濾去粗再慢火上
煉油香下削淨黃臈熔開為度傾在磁器內收
貯上搽腦子密封旋用磨風塗之

金絲萬應膏

治癩撲傷損手足有背并寒濕脚

氣疼痛不可忍小兒脾疳瀉痢咳嗽不肯服藥

者 瀝清二斤 威靈仙二斤 草麻子二百枚 黃臈

二斤 木別子二十八枚 沒藥 乳香各一

麻油夏二兩春

秋各四兩

右先將瀝清同威靈仙下鍋熬化以槐柳枝攪
候焦黃色重綿濾過以瀝清入水盆候冷成塊
取出秤二斤淨再下鍋熔開下麻油黃臈草麻
子泥不住手槐柳枝攪勻須慢火滴入水中不
粘手扯拔如金絲狀方可如硬旋再加油少許
如軟加瀝清試得如法却下乳香沒藥末起鍋
在炭火上再用槐柳枝攪數百次又以粗布漉
下水盆內扯拔如金絲頻換水却用小銚盛頓
如落馬墜車被傷疼痛處穴上炙熱貼透骨肉

為驗連換熱水數次浴之則熱血聚處自消小
兒脾疳瀉痢貼肚上咳嗽貼背心上

洗藥神硝散 專治癰疽潰爛臭穢 朴硝一兩

蛇床子二兩 研破 右二味和勻每用三錢水一碗煎

三五沸通手洗瘡上用後藥搽之

聖効散 收斂瘡口 黃栢一兩 去粗皮 炒赤色 穿山甲一兩

炒黃色 煥榔 木香各半兩 炒黃色 右為末每用少許

候大膿出尽洗淨方可乾搽瘡上

阿膠飲 一切癰疽癩毒 牛膠對蛤粉 炒成珠 粉草

橘紅五錢 分三帖水煎服

家藏神驗血竭膏 當歸酒洗 白芷 大黃 黃連

黃栢 木別子去壳 皂角 杏仁 露蜂房各一兩

乳香 沒藥 血竭各三兩 血余一兩 飛丹一斤

麻油二斤 右除乳沒血竭餘藥入油熬焦去渣熬

至滴水成珠下冊將柳樹棍不住手撓軟硬適

中入乳香等撓勻即成膏矣 薛立齋云血竭

取其以毒攻毒也若惡瘡已去毒氣既消宜用

神効當歸膏以其生肌續筋也

李氏云癰疽不服內托散及失宣通內毒以致咽
喉口舌生瘡甚則生紅黑菌宮人甚速當用琥
珀犀角膏治之向有患此症者諸法不效與此
藥一日而安

琥珀犀角膏 真琥珀 犀角 辰砂飛 茯苓各三錢

冰片二分 人參三錢 酸棗炒二錢 右為末煉蜜丸

彈子大每服一九麥門冬湯化下

李氏云癰疽不服托裏之藥熱毒內攻喉舌生瘡
甚至黑爛當服犀角散以解其毒

犀角屑 玄參 升麻 黃芪 赤芍

麥門冬去心 生粉草 當歸各一兩 大黃微炒三兩

右為粗末每服三錢水煎

薛氏云前方破血降火內疎之劑也若其脉沉寒
大便秘結發熱作渴喜飲冷者屬熱蓄於內方
可用之若其脉虛浮大便不結發熱作渴畏飲
冷者乃屬血虛於外可用當歸補血湯若尺脉
洪數而無力發熱作渴小便頻數者屬腎水不
足虛火上炎宜用加減八味丸蓋此症多目腎

水虧虛火上炎故也

內托黃耆九 治針砭所傷惡寒發熱膿水不止

肌肉不生瘡口不斂 黃耆兩 川歸酒洗

肉桂心 木香 沉香 乳香各一兩 芫荳末四兩

右為末以姜汁打芫荳末糊為丸白湯吞

薛氏云若肌肉傷而瘡口不斂用六君子湯以補

脾胃 若氣虛惡寒而瘡口不斂用補中益氣

湯以補脾肺若血虛發熱而瘡口不斂用四物

參朮以滋肝脾 若膿多而瘡口不斂用八珍

湯或十全大補湯以養血氣經云脾主肌肉如

前藥未應但用四君歸耆以補脾胃更不應乃

下元陽虛急用八味丸以壯火生土若脉數發

渴者難治此真氣虛而邪氣實也

李氏云近有數人病背疽或先寒後熱先熱後寒

或連日或間日必嘔痰大汗而止皆用柴胡恒

山不應乃脾氣不正復感寒邪痰盛而作遂先

用不換金正氣散次用排膿內補散木香湯三

日而愈 若外邪既去而仍嘔不止宜用六君

子湯以補脾胃○大凡胃氣虛而作嘔者必喜
溫熱毒內攻而作嘔者必喜冷治當辯之

家傳不換金正氣散 治感冒風寒或傷生冷或

瘴癘或疫癘 蒼木米泔浸炒四兩厚朴姜汁拌炒四兩

炙粉草二兩橘紅三兩藿香葉 半夏姜制二兩木香濕帶包煨

人參 白茯苓各一兩右每服五錢加姜束水煎服

凡疽愈後忽發渴而不救者十有八九或先渴而
患疽者尤為難治急用加減八味丸可免前患
如能久服永不作渴亦無疽症且氣血皆壯有

神劑也

薛氏云前症屬腎水枯涸虛火上炎口乾作渴飲
水無度或舌黃作裂小便頻數或痰氣上壅煩
躁不寧或二三年先作渴飲水或口舌生瘡兩
足發熱多痰或瘡愈三年而口乾作渴小便頻
數急用前藥多有復生者能逆知其因預服前
丸可免此患若兼手足厥冷真陽虛也宜服八
味丸大凡瘡後審其腎水不足用加減八味丸
中氣虛弱用補中益氣湯氣血虛弱用十全大

補湯陽氣虛寒加姜桂如不應八味丸

加減八味丸 熟地黄八兩 乾山藥 山茱萸去核

五味子炒各四兩 肉桂一兩 牡丹皮 白茯苓各三兩

澤瀉切片蒸五兩 右煉蜜為丸梧子大每服八十

九五更未言語前白湯下

黃耆六一散 黃耆六兩 粉草半生半炙一兩

右為末每服二錢空心日午白湯調下不應作

大劑水煎服

薛氏云忍冬丸解熱毒消渴之藥也六一湯補氣

虛作渴之藥用之無有不驗

五味子湯 腎水枯涸口燥舌乾 五味子

麥門冬各一兩 黃耆炒三兩 人參二兩 炙甘草五錢

右每服五錢水煎服

此方乃滋其化元之劑設腎水既涸虛火上炎

燥渴須佐以加減八味丸

李氏云疽疾將安每日常服十全大補湯以補氣

血宜與排膿內補十宣散相間服

薛氏云潰瘍屬氣血俱虛補之固當若患腫瘍而

氣血虛弱者尤宜預補否則潰而不斂凡大病之浚氣血未復多致再發若不調補必變為他症而危或誤以為瘡毒復發反行攻伐速其斃也深可戒諸

神効托裏散 治一切癰疽發背腸癰

黃芪鹽水炙 忍冬葉 當歸各五錢 粉草二錢

右酒煎服渣敷患處 此乃托裏消毒之良劑也

神効瓜蒌散 治乳癰癰癰與立効散相間服

黃瓜蒌一枚 當歸尾 甘草節五錢 沒藥另研

右用酒三碗煎一碗分三次服未成即消已成

即潰

立効散 治癰疽癰癰 皂角刺半斤 粉草二兩

乳香 沒藥另末各二兩 黃瓜蒌五個連皮研碎

右每服一兩好酒煎服

薛氏云二方治癰疽癰癰解毒止痛通用之良劑也若癰癰寒熱焮痛腫赤乃肝經氣病當清肝火以養肝血若寒熱既止而核不消乃肝經之血亦病也當養肝血以清肝火若初如荳粒着

於筋肉色不變內熱口乾精神倦怠久不消潰
乃脾肝虧損當健脾土培肝木外臺秘要云肝
腎虛熱則生癰矣病机云癰癰不係膏粱丹毒
因虛勞氣鬱所致補形氣調經脉其瘡自消若
悞下之必先犯病禁經禁矣

綠雲散

治五發毒瘡於背腦或手足

此方治金石發疽果

有神鳳尾草 形如鳳尾葉背有金星久乾一兩

粉草 一錢

用酒一碗煎三五沸入冷酒一碗飲之以醉為度立効

清涼膏

治一切瘡瘍膿去後用之

當歸 二兩

白芷

白芨

木别子

去壳

黃栢

乳香

白歛

白膠

各五錢

黃丹

淨五兩

麻油

十二兩

右入油煎黑去粗入黃丹以槐柳枝不住手順攪再煎成膏乃下乳香等藥

碧油膏

止痛排膿灸後用此

菴枝

柳枝

桑枝

槐枝

乳香

血竭

各五錢

黃丹

淨四兩

右用麻油十兩照常法煎成膏入乳香等任點神効酒煎散 治一切瘡瘍其効如神 人參

沒藥

當歸尾

各一兩

甘草

括萎

一錢半

右以酒三碗煎二碗分四服粗焙乾加當歸末

一兩酒糊丸桐子大每服五十丸以酒下

消毒活血

經驗方 治金石發瘡

黑鉛斤一

甘草

三

右用酒一斗置磁器內先以甘草置在一邊另

將鉛熔投酒一邊取鉛再熔仍投九度取酒飲

醉寢即愈

治瘰癧用生甘草為末酒調二錢服連進數服

消 前方乃清熱消毒之劑若目膏梁積熱

石蓄毒血氣壅滯者最宜如脾胃虛血氣滯

者不宜驟用恐胃寒故也

升麻湯 肺癰胸乳間作痛嘔吐膿血腥穢

升麻 苦梗 以仁 地榆 黃芩 赤芍

丹皮 甘草 各等分水煎服

穀道前後生瘰謂之懸瘰 粉草一兩截斷以澗

水浸潤炙令透內細剉無灰酒煎服有久患此

已破服兩劑瘡即愈

崔氏云治手足甲疽或曰修甲傷肉或曰損足成瘡潰爛上脚用汞凡置鉄板上煨色赤如金者為真沸定取出研末以鹽湯洗搽之

薛氏云前症即脫疽也此方固有良驗尤當調元氣為善大抵此症先醇酒炙燻膏梁厚味傷脾或房勞虧損腎水故有先渴而後患有先患而後渴者若色赤作痛自潰可治色黑不潰不治色赤作痛者先用隔蒜灸活命飲托裏散再用十全大補湯加減八味丸色黯不痛者隔蒜灸

業枝灸亦用十全大補湯加減八味丸則毒氣不致上侵元氣不致虧損庶可保生亦有曰修手足口咬等傷者若元氣怯弱或犯勞事外塗寒涼內服尅伐損傷脾胃患處不潰色黯上延亦多致死重者須解去當以脚力轉解周髀輕拽使筋隨骨出而毒得洩否則毒筋內斷仍上潰雖云無益且偏僻之處氣血罕到藥難導達况攻毒之劑先傷脾胃反損元氣不若灸法為良重者須解毒為善故孫真人云在肉則剌在

指則截維親之遺躰不忍毀傷然不如是則勢必至于天歿非体親之心也况患處已壞雖解不痛又何憚而不為乎女子亦有此患多因鬱怒虧損肝脾所致治法與前同

疔瘡

多生四肢發黃瘡中或紫黑必先痒后痛先寒后熱也

夫疔瘡者皆臟腑積受熱毒邪氣相搏於經絡之間以致血凝滯注于毛孔手足頭面各隨五臟部分而發也其形如粟米或疼或痒以致遍身麻木頭眩寒熱時生嘔逆甚則四肢沉重心驚

眼花盖疔腫初發時突起如疔盖故謂之疔會蓄毒氣突出寸許痛痒異常一二日間害人甚速是尤在癰疽之上也內經以白疔發于右鼻赤疔發於舌根黃疔發于口唇黑疔發于耳前青疔發於目下盖取五色之應五臟各有所屬部位而已然或肩或腰或足發無定處如在手足頭面及骨節間者最急其餘猶可緩也凡疔瘡皆宜刺瘡中心至痛處又刺四邊十餘刺令惡血出乃敷藥力方得入于針孔中則佳若

不刺破藥力不能入又看口中頰邊舌上有赤
黑如珠子者是也諸疔名目雖多其治法畧同
初起宜以針刺出毒血將蟾酥丸或迴疔錠子
之類從針孔維入之上用膏藥貼之仍服飛龍
奪命丹發汗及五香連翹漏芦湯之類并清心
之劑蓋諸瘡皆屬心火心清則毒氣消散而易
愈矣

追毒丹 取黃去疔頭追膿毒立効

蟾酥 用酒化

蜈蚣 酒炙

硃砂

白丁香 各一錢無此味加巴豆

雄黃

二錢

輕粉 一錢

硃砂

二錢為衣

巴豆

七粒去壳不去油

右為末用酒打糊為丸麥子大兩頭尖入於針
破口內用水沉膏貼之後用膏藥及生肌藥追
出膿血毒物又有如黑陷漏瘡者四圍死敗肉
不去不生肌者不可治也亦用此藥追毒去死
肌敗肉生新肉愈矣小者用一粒大者加用之
病輕者不必用針只以手指甲爬動於瘡頂上
安此藥水沉膏貼之其瘡即時紅腫為度去其
敗肉為妙用之神驗

水沉膏 將白芨末放在盞內用水沉下去用帛貼之如用膏不可用生肌藥 凡用粘点之藥用此膏圍貼則不傷好肉

追疔奪命丹 能立取効驗使腫內消

羌活 獨活 青皮君 防風君 黃連 赤芍

細辛 甘草節 蟬退 姜蚕 金線重樓

澤蘭 金銀花各半

有膿加 何首烏 白芷 要通利加 青木香

大黃 梔子 牽牛 毒在下加 木瓜各等

右每服五錢先將一貼加澤蘭金銀花各一兩生薑十片同藥搗爛好酒釀之熱服不善酒者水煎仍以酒水各一盞半生薑十片煎至熱服之汗出為度病退再加大黃二錢煎熱取利一兩次去餘毒為妙

此方以藥味觀之甚若不切然効速如神方不失一百發百中如有別証再出宜隨加減治之若心煩嘔吐加 甘草節一錢 藜蘆粉一錢 酸漿水下 嘔逆惡心加乳香荳粉甘草湯下

飛龍奪命丹 治疔瘡發背腦疽乳癰附骨疽一

切無頭腫毒惡瘡服之便有頭不痛者服之便

痛已成者服之立愈此乃惡症藥中至寶病危

者服之立安萬無失一係神人之秘方不可輕

忽 血竭錢一 蟾酥乾者二錢酒化 乳香 沒藥

銅隸 硃砂為衣各錢二 雄黃錢三 輕粉五分 膽礬

寒水石各一錢 射香 冰片各五分 海羊二十一條即蝸牛

蜈蚣一條酒炙去頭足 右為末先將海羊連壳研如泥

和前藥為丸荒荳大或加酒打麵糊每服二丸

先用葱白三寸爛嚼吐于手心男左女右將藥

包在葱內無灰酒三四盞送下避風處被蓋出

汗約人行五里許再以熱酒數盃催之以汗出

為度

服前藥二丸即消如汗不出重者再服二丸汗出

即効三五日重者再進二丸即愈 如疔走黃

過心者難治汗出冷者亦死 如病人不能嚼

葱搗碎裹藥以熱酒吞下 服此藥後忌服冷

水冷物黃瓜茄子猪魚鷄鴨羊濕麵一切發毒

動風之物不可食之及月婦狐臭人見之此藥活人萬、誠外科匙鑰

拔黃藥 用真取蟾酥飛羅麵為丸梧子大可將一丸放在面前舌下即時黃出

百二散 又名護心散 治發疔煩躁手足不住發狂者

急宜服之 方在癰疽門

蟾酥膏 治疔 新蟾酥以白麵黃丹搜作劑圓如麥顆大用指甲爬動瘡上插入重者針破瘡頭用一粒內之仍以水沉膏貼

回瘡錠子 治疔瘡大妙 草烏頭 一兩 蟾酥

巴豆 七箇 去皮 射香 一字 右為細末麵糊和就捏作

錠子如有惡瘡透疔不痛無血者用針深刺至痛處有血出以此推之上用膏貼疔瘡四畔推之其疔二三日自然拔出此藥最宜緊用 此証大抵與傷寒頗類其中亦有可針鑷砭射出血者亦有久而敗爛出膿者其間變異百端不可不慎也

內托連翹散 疔瘡出時皮色不變不疼痛按揉

不動身發寒熱便是此瘡有水疔魚臍疔紫燕
疔火疔諸般疔瘡如瘡黃于黃上用針刺仍服
內托散自然消散 連翹 生地 白芷

赤芍

各一兩

大黃

山梔

去頂

薄荷

各七錢

朴硝

二兩

黃芩

五錢

甘草

一兩

每服一兩灯心竹葉各

十莖水煎服其人喘加人參少許大病只三四
服愈如服下心煩嘔者以護心散止之

護心散

甘草

五錢

荒荳粉

一兩

為末分作二次

酸棗水下

破棺丹

治疔走黃不止

川歸

赤芍藥

山梔仁

牽牛

各二兩

連翹

牡蛎

金銀花

紫花地丁

各一兩半

京三稜

甘草

各二兩

大黃

右為末煉蜜丸彈子大每服一九童便化開服
忌飲酒及生冷

治疔走了黃打滾將死者

牡蛎

大黃

木通

山梔子

金銀花

連翹

牛蒡子

地骨皮

乳香

沒藥

括萎

皂角刺

每服五錢壯

實者加朴硝用水一盞酒半盞煎服 此乃救

命仙方也

鐵粉散 治冷疔瘡經久不効用此大妙

多年生鐵三錢炒過三錢松脂一錢黃丹 輕粉各五分

射香一分 右為細末清油調塗瘡口立効

走馬赴筵丹 治疔瘡 沒藥 乳香 蓬砂

礪砂 雄黃 輕粉各三錢 冰片一分 射香一分

右為細末蟾酥汁和為丸黃米大每服一九温

酒送下立効

金砂散 取疔瘡 道人頭微炒一兩 礪砂三錢

雄黃三錢 蟾酥以多為妙 右將瘡四圍刺破以少

油調藥末置於瘡內緋帛封之數日疔自出

蒼耳散 治一切疔腫神効

蒼耳草根莖苗子但取一色便可用燒存性研

細末用好米醋米泔澄淀和如坭隨瘡大小塗

上厚二分乾即易之不過十度即拔根出須針

破塗之加雄黃尤妙

蒼耳與白蝨研爛貼疔上拔去根 毒氣入腹嘔

吐者搗蒼耳汁飲之立効

治疗最有効用蝉退僵蚕為末醋調塗四圍疔瘡
口俟根出稍長然後拔去再用藥塗 海藏方
单用姜蚕為末津調塗亦佳

治疗危篤者二服即愈輕者一服立効

土蜂房

一小窠全此物能利大小便

蛇蛻

一条全

用瓦器盛

鹽坭固濟火煨存性研為細末每服一錢空心
好酒調下少頃腹中大痛、止其瘡已化黃水
矣仍服后方

五聖散

大黃

一兩

生姜

皂角刺

金銀花

各二兩

瓜蒌

一枚

甘草

一兩

用好酒二升煎八分不拘

時服

治疗瘡最驗

蒼耳

臭牡丹

各一大握搗爛

新汲水調服瀉下黑水即愈 单用蒼耳葉搗
汁和童便服一日三次立効

肘後方

疔腫垂死者一服立効

菊花葉

紫莖者

一握搗取汁一升入口即活此神驗

根莖葉花皆可用

蒼耳散

治疗瘡累用神効

蒼耳根

三兩五錢

烏梅五箇帶鬚葱三根用酒二鍾煎至一鍾熱

服出汗後不散然後用勝金散

勝金散 取鐵秀炒為末每服四錢或三五六錢
用薺水滾過停冷調服不吐為佳

反花瘡

瘡有努肉凸出者是也

聖惠方治諸瘡努肉如蛇頭出數寸者硫黃末敷
之即縮

肘後方 治瘡有肉突出烏毒燒灰敷立消

又方 白蝨肉杵細入蜜捏成餅貼之妙

又方 馬齒莧燒灰研末猪脂調敷

瘡突出寸許根如小莖或大如梅者用花脚蜘蛛

絲纏其根則漸乾而自脫落

又方 甘草

半生半炒

枯凡

人中白

密佗僧分

右為細末以童便半盞用無灰酒和熬竹篦攪
成膏塗瘡上日三五次

經驗方

胭脂不

貝母

各三錢

胡粉

二錢

白礬砂

沒藥

各二錢

為末先用溫漿水洗後服藥

雜瘡

諸惡瘡入心腹嘔逆藥食不下

芫荳粉

兩

各等分煎湯溫洗

治漏瘡不收口 五倍子末 血竭末填塞之効

治一切瘡蔡花散 蔡花 梔子 黃連 黃栢

各等分 為末冷水調貼痛處

百合散 治頤頰瘡一名獨骨瘡 百合 黃栢

各一兩 白芨 二錢半 草麻子 五十粒 為末朴硝水和餅

貼日三五次

面上耳邊生浸淫瘡久不愈出黃水 名香辦瘡

殺羊鬚 荆芥 乾棗 去核各二錢

俱燒存性研末入膩粉半錢每用少許清油調

搽先以溫湯淨洗拭乾塗藥二三次効

亦治大人小兒兩脇生瘡

附子散 治冷瘡日夜發歇疼痛 附子 半兩炮去皮臍

川椒 去目 雄黃 研末各二錢半 枯凡 七錢半

右為末麻油調敷瘡上日二次

白蒺藜散 熱毒瘡癢痒心神壅躁 白蘚皮

白蒺藜 炒去刺 防風 去苗 川大黃 炒 赤芍藥

梔子 麥冬 条芩 玄參 桔梗 前胡

炙甘草各一兩 為末每服二錢食後薄苛湯調服

七寶散 熱汗浸漬成瘡痒痛不止

黃耆 川歸 防風 荆芥穗 地骨皮

木通各二兩 明礬一兩 每用一兩水煎五六沸去

粗稍執滌淋患處拭乾避風 東垣此方曾治

推車客皮膚皴裂不任痛兩手不能執轆足不

能履地日製此藥與之即効明日遂行自是屢

用屢効

玉女英 治瘡痒痛 滑石五分 葶苈粉微炒

右末之用綿包撲上妙 一方加東葉一兩

連翹飲 治諸惡瘡紅赤痛痒心煩口乾及婦人

血風赤斑圓點開爛成瘡痒痛流黃水

連翹 生地 川歸 括萎根 荆芥 黃芩

赤芍 麦冬 瞿麦 木通 大力子炒 防風

山梔 川芎 甘草各等分 每服五六錢水煎

加灯心二十莖不拘時服

紫花地丁散 諸惡毒瘡腫痛如神

川歸 紫花地丁 大黃 赤芍藥 金銀花

黃耆 各半 甘草根 錢二 每服一兩水酒各一碗煎服

水銀膏 月蝕瘡多在兩耳及竅邊隨月盈虛

水銀 二錢 黃連末 胡粉 松脂 各半 猪脂 四兩

右先熬猪脂令沸入松脂諸藥及水銀攪令勻

磁器收先以鹽湯洗淨塗上日三五度

治甲疽瘡疔礬散 綠礬 燒赤 盧會 一錢

射香 二分 俱為末以絹袋盛包患指扎定以差

為度

漆瘡 生鱗取黃塗之効

又方 湯浸茫硝冷洗之効 明礬湯洗亦妙

又方 生紫蘇擦之累効 又人乳汁敷之好

又方 乾荷葉一斤水一斗煮濃汁洗瘡上日 三瘡

又方 無名異末水調服

代指 手指甲頭腫痛

烏查肉并仁 研爛醋調稀入指浸之愈

升麻和氣飲 治瘡腫癩疥痒痛

升麻 桔梗 蒼朮 乾葛 甘草 大黃 煨

一錢 陳皮 二錢 當歸 半夏 茯苓 白芷 乾姜

只壳各五分 白芍一錢半 右作一服水煎服

當歸飲子 治瘡痒疥癬湿毒風燥

當歸 川芎 防風 白芍 生地 蒺藜

荆芥各一錢半 何首烏 黃耆 甘草各一錢 右作

一帖水煎食遠服為末亦可

除濕散 大治一切風毒疥癬癩痒狀如癩風

苦參 何首烏 荆芥穗 蔓荊子 薄荷各一兩

白芷 烏蛇酒浸一宿焙乾 天麻 川芎 防風各半兩

右為末每服三錢酒調下日進三次六日一浴

令汗出血氣宣通一月膚澤如故

一掃散 一切瘡疥但相對而生者便是不問乾

濕痒痛日近年深用之立効

藜蘆皮二兩 雄黃五錢 輕粉十帖 蚌粉

水粉各一兩 為末用大鯽魚一對入麻油煎熟

去魚攤冷調葉搽瘡 若効遲加信末少許研

杏仁十粒近陰處勿加

消毒飲丹溪云消毒散氣表葉也 防風一兩 甘草二兩

荆芥穗三兩 大力子四兩 每服五錢水煎服

治皮膚風熱遍身生癩疹 大力子 浮萍等分
為末薄苛湯調下二錢日再

東垣云 每風瘡大風病相似好葉葉洗蒸一宿
日乾為末白湯調服二錢

姜蚕散 治風遍身癢疹痛疼成瘡

白姜蚕 洗焙 為末每服一錢酒調服一日三

次立瘥

衍義方 有人病遍身風熱細疹痒痛不可任連
腦脛臍腹及近陰處皆然涎痰多夜不得卧

苦參末一兩皂角二兩水一大升揉取汁銀石
器熬成膏和苦參為丸如梧桐子大每服二十
丸溫水吞次日便愈

小兒面瘡通面爛無完膚膿水流漓百藥不効陳
年臍猪脂不入鹽者敷之若神

治諸般瘡疥加減法 腫多加白芷開鬱 痛多

加白芷方解石 痒多加枯凡 陰囊瘡加吳

茱萸濕多香油調 乾痒出血加大黃、連猪

脂調 虫多加蕪荑錫灰楨即藜芦斑猫 紅